

ПРИЛОЖЕНИЕ

<25> Лѣта 7170-го году месяца марта въ 1 день покаянны сия твориль или, явьственнѣйши, изложилъ и скверною своею десницею и написалъ нѣкто непотребный и многогрѣшный рабъ, иже возбраненъ бых и зазоренъ от своея совѣсти и имя свое описати, понеже пучиною явихъся всѣхъ беззаконий, якоже бо и Давыдъ обличаетъ мя, глаголя сице: «Грѣшнику же рече Богъ: „Въскую ты повѣдаеши оправдания моя и восприемлещи заветъ мой усты твоими, ты же возненавидѣ наказание и отверже словеса моя въспять“». Начало же имѣють тыя покаянны: первый — «О, человѣче убогий», второй же — «Воистинну убо, братие». //

<27> Покаяненъ о еже всегда должни есмы поминати смертный час. ^{1,а}Подобенъ ^б: Радуйся, живоносный кресте ^в

О, человѣче убогий,* что еси гордиши,* что ся величаеши и возносиши,* почто уповаеши на красоту свою тѣлесную!* Красота бо твоя тлѣнна и суетна есть,* в малѣ яко цвѣтъ разцвѣтеть* и въскорѣ увядаетъ;* и внезапно смерть похищаетъ и ото всѣхъ разлучаетъ.*

Оставить бо человѣкъ отца своего и мать,* жену и чада, други и сродники* и поидеть единъ уединенъ въ вѣчный путь,* уже бо к тому не пекийся* о суетии многострастныхъ плоти своея.*

^{14 об. об. >} Въмѣсто бо пресвѣтлыхъ полатъ* во темный гробъ заключается,* вмѣсто красныхъ ризъ* и драгихъ одѣяний* во единой срачице нагъ погребается и землею покрывается,* вмѣсто бисерия и каменья драгаго* червми истлѣвается,* вмѣсто высоконасланныхъ одровъ* с мертвецы нерадиво поверженъ* ¹иже вчера грозенъ^д и горделивъ* и всѣмъ страшенъ и неприступенъ,* нынѣ же от всѣхъ неберегомъ* и ногами попираемъ.*

Охъ, неумолимая смерть,* люта еси и немилостива,* никто убо можетъ избѣжати тя,* ни за красотою, ни за мла^едостою, разлагаеши*,* благородия не стыдиши,* ни сединъ ³милуеши, но всѣхъ купно, бога^нтыхъ и убогихъ,* яко класие, пожинаеши.*

<28> «Смерть убо^н, братие, и царю страшна есть.* И сей яко единъ от прос^мтыхъ трепещет^н ея* и яко единъ от убогихъ боится.* И се ^оведется^н яко осужденъ* его же ся въчера бояху осужд^рении^с;* и се нынѣ самъ возмаетеся,* вострепета и смутися,* и вся мудрость и сила погрязну;* и се весь воздвигися,* видѣ власти аггел^ския страшны;* и свой стѣнь // яко^т паучину въмѣняше,* видѣвъ образъ Владыч^сеский,* и лице ему спаде,* дивися и помышляя в себѣ:* гдѣ царемъ величание,* гдѣ власти и княжение!* Се вся противу сихъ* яко стѣнь и сѣнь.*

Воистинну все, еже подъ небесемъ, суета есть,* и ничтоже здѣ постоянно.* Смотри убо, яко и столпие потрясаются*, еже есть цари, и царства пременяются^у.*

Горкое се житие наше, яко роса утренняя,* в малѣ является и въскорѣ погибаетъ* и аки дымъ исчезаетъ.* И все, еже на земли нами любимое,* богатство, слава,* и милая жена и дѣти, ^фдрузи и сердоболи^х*,* вечера многоцѣнныя с пищамя

^{1,а-в} Написано на поле. ^б Далее зачеркнуто Егда от древа. ^{г-д} Над этими словами проставлены крюки без помет. ^{е-ж} Написано иным почерком на реставрированной бумаге. ^{з-и} Написано иным почерком на реставрированной бумаге. ^{к-л} Написано иным почерком на реставрированной бумаге. ^{м-п} Написано иным почерком на реставрированной бумаге. ^{о-п} Написано иным почерком на реставрированной бумаге. ^{р-с} Написано иным почерком на реставрированной бумаге. ^т Написано иным почерком на реставрированной бумаге. ^у Написано киноварью тем же почерком над зачеркнутым киноварью потрясаются. ^{ф-х} Испр. киноварью почерком основного текста с помощью корректорского значка на поле, было други и сродники.